

La riguinguette

Quand ej' sus v'nu passer mes examens,
Pour ét' admis comm' mimb' ed' l'inseign'mint,
I n' faut point croire qu' ch' étot à l'avuglette
Qu' j' avos cuji ech' tiot métier honnête:
Ed' d'pis longtemps déjà j'avos r'marqué
Qu' ches normaliens z'étot'nt bien habillés
J' voulos porter la Riguinguette
J' voulos porter la Riguinguette
La Riguinguette ! La Riguingue-e-e-e-tte !

Après un mos d' parfaite séquestration,
Nous v'là partis tartous in permission
I fallot m' vir dins les rues d' min pat'lin
Si j' m'exerços à prind' des airs faquins
Mes comarat's z'étot'nt bin étonnés
De s' vir ainsi par mi si dédaignés:
Ch'est qu' ej portos la Ringuinguette
Ch'est qu' ej portos la Ringuinguette
La Riguinguette ! La Riguingue-e-e-e-tte !

Mais aujourd'hui j'in sus bin dégouté,
Dins chel boît' lo, j'em sus bin imbêté :
I m'a fallu passer tros ans là d'dins,
Sans avoir eu gramint d'amusemint !
Aussi sans r'gret ej quitt' el viell' cambuss'
Et tous ches profs qui m' n'ont fait vir au plus !
J' veux pus porter la Riguinguette
J' veux pus porter la Riguinguette
La Riguinguette ! La Riguingue-e-e-e-tte !

Pauv' riguinguette, t'es jolimint râpée !
Et y a des chanc's quand ej t'érai quittée,
Eq' tout au fond d'ein' vieill' armoire à mites,
Ej té rinferme à jamais pauv' pétite :
Mais sois sans crainte, si dins ein' coup' d'années
I m'prind la sotte invie dè m' marijer
Ej rindoss'rai la riguinguette
Ej rindoss'rai la riguinguette
La Riguinguette ! La Riguingue-e-e-e-tte !

Chèr' Ringuinguette, et' v'là donc supprimée !
Ch'est qu'à Arras on n'comprend point t' beauté.
Aussi ch' t'année, ches mulets sont si bêtes
Qu'is arbor'ront tartous des neuv's jaquettes.
Mais on somm's là pour lu faire armarquer
Qu' nous riguinguett's val'nt bin lus neus complets !
I salueront la Riguinguette
I salueront la Riguinguette
La Riguinguette ! La Riguingue-e-e-e-tte !